

ЖАЖЖИ МУСУЛМОН

05:00 / 16.02.2017 3319

(болалар учун кичик барнома)

Мен кимман?

Менинг Роббим Аллоҳдир,

Бунга қалбим гувоҳдир.

Пайғамбарим Муҳаммад,

Умматиман тоабад.

Китобимдир Қуръоним,

Унга фидодир жоним!

«Кимсан?» десангиз қай он,

Айтаман: «Мен мусулмон!»

Дин

Билсанг, дин, эй мусулмон,

Иймон, ислом ва эҳсон.

Иймон

Иймон рукни олтидир,

Айтай сизга бирмабир:

Аввал келтирмоқ иймон

Хақ Аллоҳга бегумон.
Сүнгра малаклариға,
Кейин китоблариға.
Сүнгра иймон келтирмок,
Расулларга, эй ўртоқ!
Охиратга ишонч ҳам,
Ишонч дилга қувонч ҳам.
Қадар яхшиёмони,
Аллоҳдан билмоқ они.

Ислом

Ислом рукни нечтадир?
Сизга айтсам, бештадир:
Иймону, намоз, закот,
Рўза ва ҳаж, тутгин ёд.

Эҳсон

«Эҳсон не?» деб сўрсалар,
Айтай, синаб кўрсалар:
Аллоҳга тоат қилмоқ,
Кўриб тургандек ҳар чоқ.
Кўрмас эсанг сени Уни,
У кўриб тургай сени.

Аллоҳ таоло

Аллоҳ бордир ва бирдир,
Ишонмаган кофирдир.

У яратган одамни,
Каттакичик оламни.

Бизни йўқдан бор қилмиш,
Кўплаб неъматлар бермиш.

У Раҳимдир, ҳам Раҳмон,
Бизни севар меҳрибон.

У яратмиш неки бор,
Бизга қилмиш хизматкор.

Биз бандамиз У Зотга,
Шунга келдик ҳаётга.

Кимки бунга ишонмас,
У ҳеч яхши инсонмас!

Қуръон Карим

Қуръон Аллоҳнинг сўзи,
Қалбимиз ризқу рўзи.

Бизга ҳаёт дастури,
Аллоҳнинг сўнмас нури.

Уни ўқиб, тинглармиз,
Севиб амал қиласмиз.

Расууллоҳ соллаллоҳу алайҳи васаллам

Аллоҳ элчиси Аҳмад,
Яъни Ҳазрат Муҳаммад.
Бизга пайғамбардир у,
Мехрибон раҳбардир у.
Суннати қонун бизга,
Ибратдир ўғилқизга.
Бизлар унинг уммати,
Орзумиз шафоати.

Жаннат ва дўзах

Бу дунё ўтгинчидир,
Одамнинг юпанчидир.
Ўлимдан сўнг ҳаёт бор,
Унда дўзах, жаннат бор.
Дўзах жуда ёмон жой,
Кирганнинг ҳолигавой!
У даҳшатли бир олов,
Ёнар тинмайин лов-лов.
Жаннат бир улкан боғдир,
Кирганнинг вақти чоқдир.
Унدادир барча неъмат,
Абадий баҳтсаодат.
Унга кирган баҳтиёр,

Ундан қолган бўлгай хор!

Мен ИНСОНман

Мен инсонман, одамман,

Одам авлодиданман.

Инсон бўлиб яшайман,

Яхши ишдан тинмайман.

Мақсадим жаннат топмоқ,

Роббим Аллоҳни кўрмоқ.

Мен содик мусулмонман,

Чун ҳазрати инсонман.

Ҳусайнхон Яҳё Абдулмажид

05.11.2013/01.01.1435. Тошкент.